

Truepa manifestazions per "Viver la montes"

L'argumënt zentrel dla pruposta formativa dl Cunsëi de Furmazion de Sëlva per chëst ann 2017 ie i crëps, si storia, si lingaz, si mic y lijëndes y dantaldut si dimenscion te nosta sozietà. La mpurtanza sozio-economica de nosta bela montes sciche raion per pratiche sport y ricreazion, ma dantaldut sciche gran atrazion per l turism, setor economic y produtif che ti dà da lëur ala majera pert de nosta jënt. Nscila ti àn dat inuem a chësc proiet „Viver la montes” che uel di nce „cun-viver cun la montes”, te nosc raions sambën nce „viver dla montes”, ma po- vester nce „sëura-viver” la montes.

Ntan l'ansciuda iel bele uni metù a jì deplù manifesta- zions: sciche n referat sun l Lech dl Dragon, na pre- sentazion de n liber ulache l vën cuntà de coche i crëps deventei n sustëni y funtana de forza, pona iel uni rujenà sun la „Huties da mont y si architettura”. De lugio iel uni presentà video, material y dat nfurmazions sun l sport estrem (freestyle, downhill, speedfly y alpinism) che ie ncueicundi scialdi de moda. Ntan na bela sëira da d'in- stà iel uni mustrà alalergia, sun Juac, l film sun i „60 ani Lia da Mont de Gherdëina” y dopro mo n film sun l alpi- nist Karl Unterkircher.

Sën d'autonn vala inant cun mo na bela sfilza de manife- stazions; la prima ie na mo- stra coletiva dal titul „Mi crëp” che ie unida giauri- da te Tublà da Nives ai 9 de setëmbër y che sarà da udëi nchin ai 6 de utober.

Ai 21 de setëmbër (da mesa la nuef da sëira) saral **Ingrid Runggaldier** te Tublà da Ni-

ves a rujenà sun „S'arpizé per la lidëza” - na storia dl alpinism al feminil. Tla sto- ria dl'arpizeda ie l'ëiles tan che nia da udëi: si inuemes ne n'ie nia cunesciui, si me- ric nia recunesciui. Ma nce l'ëiles à scrit la storia dl al- pinism.

Ai 27 de setëmbër iel sun l program n referat de nteres per i seniores. Te sala dla Jungschar (Calonia) ruje- nerà la **dut. ra Laura Cucca- rollo** sun l nflus dla montes sun nosta sanità. La bona aria y la puscibilità de fé ati- vità sportiva ie de mpurtan- za per vester sani y ntonn! Ma ie pa chësc bën dut? Ntan l domesdi giaperan res- postes y nfurmazions nter- ressantes.

L di do, ai 28 de setëmbër, saral pona te Tublà da Nives n „Forum Sëlva”, na sëi- ra de nfurmazion y discu- scion. L'argumënt sun chël che deplu ghesc cumpetënc (la presidënta dl ASK Marti- na Obletter, i doi mëinacrëo Dieter Demetz y Ivo Raban- ser, y l jëunn alpinist Alex Walpoth rujenerà y dijerà la sia sarà „Faszinazion crëp: Adrenalina y pricul”. Da for à i crëps n'atracion belau magnetica sun la persona y descëida la ueia nia da teni de ruvé su piza y se goder la ududa da marueia, sambën cun n bel „selfie” da mustré a dut l mont. Ntan chësta mëisa turonda unirà rujenà de ndesfides, de fadia, dl ncant dla piza, de sbalc de adrelina, ma nce di priculi che vën suvënz sotvalutei.

A na vijita al museum sun Plan de Curones (viac cun la curiera, trasport cun la fur- nadoia da Reischach, vijita meneda tl museum) vëniel nvià n sada ai 7 de utober. Per se nuté su vëniel prià



Tl referat „S'arpizé per la lidëza” - na storia dl alpinism al feminil” nes conta Ingrid Runggaldier stories de vita de alpinistes y nes mostra su si mutivazions.

bel de cherdé su l Servic Furmazion Gherdëina, tel. 0471 773225 (me-vë 9.00- 12.00) o de scri a furmazion. gh@micura.it nchin ai 30 de setëmbër.

N referat sun „Dolomites y si storia” dl alpinist y mëi- nacrëp **Ivo Rabanser** sarà l'ultima manifestazion dl proiet „Viver la montes”. Chësc sarà ai 12 de utober da mesa la nuef da sëira te „Pitla Sala” y va sota l moto de William Blake che ova scrit n iede: „Canche per- sones y crëps se anconta, vëniel a s' l dé de gran ma- rueies.

Coche n vëija iel tl program uni metù ite duc i aspec che toca nosc crëps. „Viver la montes” ne uel no mé di ruvé su piza y se goder la

bela ududa, ma te chësta lingia de manifestazions ti cialeran da n auter viers ai crëps, jan ite sun la geologia, storia, scunanza dl ambient, architettura y cumerzialisa- zion.

L nvit ti va a duc i nteressei de uni a scuté su y a fé pea chësta manifestazions che l Cunsëi de Furmazion mët a jì n cunlaurazion cun deplù lies dl luech. L ie daniëura n gran lëur de urganisazion dovia perchël fajëssel plajëi sce i zitadins tulëssa su de bon uedl chësta proposes de furmazions y mustrëssa nteres cun si presënza.

Nfurmazions giapen nce sun www.manif.it y te face- book. (furmazionselva).

DI DEDICÀ AI CUNSËIES DE FURMAZION

Aperitif da segra, mujiga y film

N sada, ai 23 de setëmber 2017 vëniel metù a jì tla provinzia de Bulsan n "Di" che ie dedicà ai cunsëies de furmazion. Nce per Sëlva se à l Cunsëi de Furmazion fat pensieres y à metù ju mpue de program per festejé l iubileum di 15 ani.

Nscila uniràl scumencià dala 10 danmesdi cun l salut dl'autoriteies y na ntroduzion curta sun l fin y l'atività dl Cunsëi de Furmazion de Sëlva da pert de si presidënt **dut. Lukas Plancker**. L **dut. Rudolf Mussner**, nstës presidënt de chësta lia, jirà ite sun la cronostoria dl Cunsëi de Furmazion. Dadedò uniràl presentà n film dal titol „**Nëus son Sëlva**“ ulache n possa udëi y audi mprescions de zitadins de Sëlva, jëuni y manco jëuni, sun si luech.



Per l'aurela curta saral pona Jonas, Luca y Manuel che sunerà cun l'armonica y pona uniràl pità n renfrësch cun vel'buanda y crafons da Segra. Ntëur mesa la un domesdi mienen pona de stlù jù chësta festa.

L nvit ti vâ a duc i nteressei de unì dan l Istitut Ladin / Bibliotech a festejé deberieda; scencajo che l ëssa da vester bur' tēmp jiran dedite ti locai dl Istitut Ladin.